



DEO OPTIMO MAX.

UNI ET TRINO.

VIRGINI DEIPARÆ, ET S. LUCAE

Orthodoxorum Medicorum Patrono.

## QUÆSTIO MEDICA.

CARDINALITIIS DISPUTATIONIBUS;

*manè discutienda in Scholis Medicorum die Martis vigesimo-primo*

Martii M. DCC. XLI.

M. PHILIPPO CARON, Antiquo Facultatis Decano,  
Doctore Medico, Præfide.

*An Senibus, Vinum: Aquâ largiori diluendum?*

I.



CCUI Mortalium, vitæ ordo tam cucurrit prosperè, ut incommodis aliquando non fuerit interruptus? Quot reipsa incur-runt temporum veluti lacinia, quæ fortunatissimum quemvis, variis aut periculis, aut affectibus objiciunt? Corpori, dum jun-cta est anima, dimicandum perpetuo cum innumeris, quæ ip-sam undique circumstant, malis. Sic plures ante diem demerit

**LIBITINA.** Qui purè ac medicè degunt ætatem, his & longa, & lenis ad-modum vita, morbis quandoque licet intercisâ. Brevis est illis, qui suo fa-ventes genio, consuetudini ac palato nimium obtemperant. Brevior nonnul-lis, qui Diætæ leges ac præcepta repudiare; gloriantur. Multis aliquantulum brevissima, vel hereditario jure, vel propter malè morata viscera, quibus reficiendis incassum allaborant. Naturæ vitia emendari, ut operosum; sic Ju-venture novâ florescere Senes, impossibile. Num ideo fato suo relinquendi Senes? Absit: inhumanum prorsus! At cibo recreandi & potu præcipuè, cu-jus, ut longè major est quam alimentii solidi necessitas, sic virtus multò su-perior. Felix! Cui tor inter potuum genera, quæ vel Natura suppeditat, vel ars adinvenit, eo contingit uti, à quo sedetur sitis, roboretur ventriculus, juvetur coctio, distributio promoveatur, non distendantur *hypochondria*, mens non perturbetur, uno verbo, totius hominis æconomia conservetur.

**A**RTIS Medicæ finis, duplex : sanitatis, vel præsentis tutela, vel absentis restitutio. Utrique, invigilat potissimum *Hygieine*. Hæc, Medicinæ partium facillè princeps, Diæta vulgò nuncupatur. Victus legem, ægris pariter ac sanis, præscribit; rationemque docet & modum, illis aptè utendi rebus, quas *Nonnaturales* dicunt. Quanta igitur in Medico requiritur doctrina? Quanam sagacitas? Qualis prudentia, ut cuique hominum, bene vel malè valenti, mari aut fœminæ, Seni aut Pueri, idoneam & convenientem ævi traducendi normam præfinire possit atque decernere? Quàm vario fidium genere instructum decet arcum in manu sapientis? Quid enim semper viret? Annon ætati succedit ætas? Ætatis parti cuilibet, numquid inclinatio sua? Numquid sua tempestivitas? Hinc mutationes ac vicissitudines innumera, quarum sit particeps homo, qui *Puer*, hinc *Juvenis*, tum *Vir*, & inde *Senex*. Quàm paucis tamen, ad multos annos, *NESTORIS* poculum ferre manu, conceditur! Pueritiæ, Juventuti, quin & Virilitati, certos, at varios, etsi limites olim assignavêre tam Philosophi, quàm Medici, nullum interea Senectuti terminum adscripserunt. Hanc, operam semel, atque adeptam, non accusas: Colas imò, & quàm diutissimè producas. Graves idcirco tollantur curæ: Fata sinunt, dum secuti vivimus. Nihil prorsus ultra modum, nihil ultra necessitatem, primoribus etiam labiis attingatur. Potius præsertim & potantis natura, invicem conferenda. Ponderandum sedulò, quid alterum valeat, alterum quid exigat; adeò ut ingerenda potio, sit suavis, & ad coquendum expedita.

## I I I.

**S**ITIS, ut fame vehementior; sic ad patiendum tolerandumve difficilior. Hinc edendi, quàm potandi necessitudo, salubritas, voluptasve minor. Cujusque animantium compescendæ siti, communis mater & provida nutrix Natura simplicem paraverat Aquam. Orbi universo cœvum & cognitum hoc elementū genus, super quod, in primâ rerum *Genesis* ac divisione, *SPIRITUS DOMINI* ferebatur. *Substantia* est fluida, tenuis, lavis, diaphana, nunc sapida, nunc insipida. Ejus moleculæ sunt valdè flexibiles, *ductiles*, mobiles, & diversæ figuræ, ut multijuges terræ poros subeant facilius atque præterfluant, Aqua, si potetur opportunè, præter-quàm quòd comprimit sitim, nutrit etiam; fibras emollit & laxat; crassa incidit; referat obstructa; dissolvit scalia, horumve actionem mox juvat, mox obtundit; humidum alit primigenium, caloremque nativum temperat. Extinguendæ siti, omnem indiscriminatim Aquam non offeras, nisi proximis ardeat *EUCALEGON*. Procul hinc lutosa, putealis, lacustris, paludosa, pluvialis, nivea, glacialis, procellosa, & marina. Eligenda fluvialis maximè, aut fontana: quæ pura sit, pellucida, levissima, odoris & saporis experta (a), linguæ tamen ac palato non ingrata; quæ promptè incaleseat, refrigeretur citò, libere distribuatur. Simplicis Aquæ potu haud contenti Mortales, quot & quàm diversas potionum species ad nutum excogitaverunt? Infinita propemodum & incredibilis earum varietas: delectationis forsitan & utilitatis fœtus; at non æquè salutaris. Ex tot potionibus, quas protulit ars homini, nulla vulgata magis, quàm Vinum: nulla magis infida. Tunc alimentum, mox medicamentum, jam venenum. Tanta ejus usus adhibenda cautio! Vinum, succus licet è maturis uvis expressus (b), quàm tamen varium & multiplex? *Substantia*, colore, sapore, odore, natalibus, ætate, indole, præparandi modo, adjunctisque aliis inter se discrepant Vina. Dissimilia eorum nomina, ut & discrimina, hic recensere longius foret. Vini magna vis est, quâ morbos profligat; major, quâ nutrit, & sanitatem fartam rectam tuetur; maxima, quâ lædit; & bonæ valetudini conservanda; vel in-

(a) Sic enim non agitur de Aquis mineralibus, vel de aliis, quæ Medicum in usum veniunt. | de aliis liquoribus ardentibus vel spiritibus, quæ tamen à Vino differunt.

(b) Nec loquimur hic de Vinis Medicatis, vel etiam |

staurandæ nocet. Tot tamque dispares eventus; modò strenuè, modò imbecillius, nunc ocyùs, nunc tardiùs, quâ datâ occasione, optimùm quodcunque producit Vinum: felices, si vel moderatè, vel dilutum; insaufos, si merum & immodicè propinetur. Tutò Vinis indulgeas, quæ in *Burgundiâ* nascuntur, annis præsertim benè constitutis. His quippe, non torrentur viscera, quemadmodùm *Hispanicis*; non divexantur articuli, velut *Campanis*; non fumis, ut aiunt, caput offunditur, sicut *Aurelianis*, *Andegavenfibus*, *Britannis*; non flatibus aut excrementis oneratur corpus, ut illis, quæ in frigidiori *Bria* tractu succrescunt; non pariuntur obstructions, ut aliis, quæ ex territorio *Burdigalensi* huc advehuntur. Ad *Burgundi* Vini excellentiam dignitatemve quodammodò accederent, ut accedebant olim, *Andresiacæ*, *Argentolinæ*, *Surrentinæ*, quin & alia id genus Vina, in finibus agri *Parisiensis* oriunda: si Vinitores, ignari, an avari minùs! Stercoratione & alienâ propagine, uberiores quidem sed insuaviori, non urgerent *quantitatem*, de qualitate parùm solliciti. Nec magni refert, an rubore lata sint, an candore jucunda: Sat fuerit, si cum odore fragranti, exquisito sapore, *consistentiâ* mediocri, & maturitate tempestivâ, nitore decoro ita reluceant, ut de rosis illahæc de liliis esse nata judicentur. Vinum, his dotibus instructum, & æquis epotum conditionibus, quot mirandos ac laudabiles effectus non præstat in corpore? Famem & sitim solvendo, nutrit; fibras erigit, cibos attenuat, auger robur, acuit ingenium, tristitiam abigit; fluentium trituram excitat & circulationem, quas excipit brevè secretionum, ac proinde functionum omnium integritas.

## I V.

QUAM salubre; dum urget sitis, Vino, aquâ *largiori* diluto, se proluere, noverint suo commodo Senes! Horum conditio, si temperiem spectes, nùm in alio posita, quam in peculiari fibrarum *erethismo*? Numquid à naturâ fixæ corporis ita disponuntur partes, ut quæ molliores in Pueris, in Adultis & Viris firmiores sunt earum fibræ, in Senibus rigeant paulatim & indurentur; usquedùm natus calor, humorque primigenius pereant sensim & evanescant. Si à motu pendeat calor: quis negaverit insitam fibris texturam & agilitatem, quâ mediante fluentia corporis conteruntur indefinenter ac propelluntur, per calorem, quem Veteres innatum dixerunt, posse intelligi? Quis requisitam in iisdem fibris ad *oscillandum* mollietiem, à *lymphâ* matrè primùm ortam; cum humido primigenio coire non fatebitur? Per vitam ergo si gradatim exsiccantur fibræ, quid mirum! Quòd in Senectute plùs minùsve constingantur vasa, subsideant, decurrant. Sic pedetentim naturalis quidam oritur partium *erethismus*. Sic modò ferius, modo citius consequitur in fixis, ad *resiliendum* segnities; in fluentibus, ad progrediendum inertia; in utrisque, nutritionis imminutio; caloris ignavia, defectus; ac tandem interitus. Omnibus enim, nec æquè labitur ætas, nec par infirmitatum inuritur labes. Videas aliquot, fictos forsan meliori luto, vel etiam in victu sapientiores, quorum Senectæ, quæta & honorifica potius quàm sollicita, corpore pariter & animo fortis, non repente frangitur, ac ipsâ vetustate deflorescit. Vis igitur Senium proferre diù. Vis splendere, ut vocant, tempore alieno; potui delectum adhibeas & modum. Hunc selige, qui, nutriendo simul & emolliendo, *solidorum rigiditatem* partim, & *flexibilitatem*, ad *resiliendum* necessarias tueatur, debitamque *fluidorum* tenuitatem, circulationem, ac distributionem promoveat. Agedum: quid est causæ, cur hæreas? En tibi præsto sit Vinum, cum Aquâ sic temperandum, ut cum duabus Aquæ partibus, pars Vini, ad summum, una misceatur. Ab hoc amabili cennubio, tertium emergit potioris genus, quo; in rerum naturâ, nullam Senectuti producendæ convenientius. O dulce, honestumque fœdus! Quo demulcentur suaviter & unâ excitantur ventriculi atque intestinorum villi; quo blandè comminuuntur ac diluantur cibi; quo vires corporis & animi recreantur mirabiliter. A medico sale & fidu-

